

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKA ŽUPANIJA / KANTON
OPĆINSKI SUD U ČITLUKU
Broj:055-0-Su-17-000012-2
ČITLUK, 04.07.2017.godine

PRAVILNIK
O POSTUPKU DIREKTOG SPORAZUMA U
OPĆINSKOM SUDU U ČITLUKU

Čitluk, srpanj 2017. godine

Na osnovu članaka 90. Zakona o javnim nabavkama Bosne i Hercegovine („Službeni glasnik BiH“, broj: 39/14) i člana 14. Pravilnika o unutrašnjoj organizaciji i sistematizaciji radnih mjesta Općinskog suda u Čitluku, predsjednik suda, d o n o s i

PRAVILNIK O POSTUPKU DIREKTOG SPORAZUMA

Članak 1. (Predmet Pravilnika)

- (1) Ovim Pravilnikom se utvrđuju uvjeti i način provođenja postupka javne nabavke roba, usluga i radova putem direktnog sporazuma iz članaka 87. i 90. Zakona o javnim nabavkama BiH (u daljem tekstu: Zakon) u Općinskom sudu u Čitluku (u daljem tekstu: ugovorni organ).

Članak 2. (Uvjeti za primjenu direktnog sporazuma)

- (2) Postupak direktnog sporazuma se provodi kada je procijenjena vrijednost istovrsnih roba, usluga ili radova na godišnjem nivou jednaka ili manja od 6.000,00 KM bez PDV-a
- (3) Ugovorni organ može tokom jedne godine za isti predmet nabavke potrošiti do 6.000,00 KM bez PDV-a putem ovog postupka.
- (4) Ugovorni organ može započeti postupak javne nabavke roba, usluga i radova putem direktnog sporazuma ako je takva nabavka predviđena planom nabavki ili kada ugovorni organ donese posebnu Odluku o pokretanju direktnog sporazuma u skladu s članom 18.stav (1) Zakona.

Članak 3. (Principi dodjele direktnog sporazuma)

- (1) Ugovorni organ provodi postupak Direktnog sporazuma poštujući Opće principe iz članka 3. Zakona.
- (2) Ugovorni organ ne može provesti postupak direktnog sporazuma sa namjerom da diskriminira ili favorizira bilo kojeg ponuđača.
- (3) U provođenju postupka Ugovorni organ nastupa transparentno i jednako prema svim ponuđačima na način da osigura pravičnu i aktivnu konkurenciju, s ciljem najefikasnijeg korištenja javnih sredstava vezano za predmet nabavke i njegovom svrhom.

Članak 4. (Početak postupka)

- (1) Procjenjivanje vrijednosti javne nabavke koja se dodjeljuje direktnim sporazumom vrši se u skladu s članom 15. Zakona.
- (2) Procijenjena vrijednost mora biti važeća u trenutku kada ugovorni organ zatraži prijedlog cijene ili ponudu od jednog ili više privrednih subjekata.
- (3) Nadležna služba ugovornog organa je dužna, prije pozivanja ponuđača za dostavljanje ponuda, izvršiti ispitivanje i provjeru odgovarajućeg tržišta roba, usluga ili radova u smislu njihovih cijena i karakteristika. Ispitivanje tržišta nadležna služba može izvršiti obavljanjem telefonskih razgovora sa pravnim i fizičkim licima užeg ili šireg područja, upotrebom interneta i elektronske pošte ili informacije.
- (4) Ugovorni organ može i ne mora formirati komisiju za provođenje postupka direktnog sporazuma.

Članak 5.
(Izvršenje postupka)

- (1) Ugovorni organ ispituje tržište te traži pisani prijedlog cijene ili ponudu od najmanje tri subjekata koji obavljaju djelatnost koja je predmet javne nabavke.
- (2) U izuzetnim, opravdanim situacijama (npr. ukoliko na tržištu postoji manji broj ponuđača) ugovorni organ može tražiti pisani prijedlog cijene ili ponudu i od manjeg broja subjekata).
- (3) Zahtjev za prijedlog cijene ili ponude obuhvata detaljan opis roba, usluga ili radova koji su predmet nabavke uključujući i relevantne faktore poput količine, kvalitete, tehničkog opisa, estetskih i funkcionalnih zahtjeva, okolišnih osobina, mjesta i roka isporuke ili slično, a primjereno predmetu nabavke.
- (4) Nakon što primi prijedlog cijene ili ponudu od jednog ili više ponuđača, a prije zaključivanja direktnog sporazuma, ugovorni organ:
 - a) pregovara sa ponuđačem/ponuđačima o cijeni i/ili
 - b) prihvata prijedlog cijene ili ponudu jednog ponuđača i/ili
 - c) provodi drugu vrstu postupka definiranu Zakonom.

Članak 6.
(Izbor ponuđača)

- (1) Ugovorni organ osigurava da dogovorena ili prihvaćena cijena ne bude viša od tržišnih cijena.
- (2) Ugovorni organ bira ponuđača na način koji jamči adekvatnu razmjenu vrijednosti za novac.
- (3) Kod odabira na osnovu koje će biti dodijeljen ugovor, ugovorni organ treba uzeti u obzir faktore kao što su cijena, količina, kvaliteta, tehnički opis, estetske i funkcionalne zahtjeve, karakteristike koje se odnose na okolinu, vrijeme i period isporuke.

Članak 7.
(Zaključivanje direktnog sporazuma)

Direktni sporazum smatra se zaključenim:

- a) Prilaganjem računa ili druge odgovarajuće dokumentacije za nabavku čija vrijednost iznosi do 1.000,00 KM bez PDV-a.
- b) Zaključivanjem ugovora u pisanoj formi za nabavke čija vrijednost iznosi više od 1.000,00 KM bez PDV-a.

Članak 8.
(Izvještaj o postupku javne nabavke)

- (1) Ugovorni organ obavezan je Agenciji za javne nabavke BiH dostavljati izvještaje o provedenom postupku javne nabavke putem Direktnog sporazuma, na način i u rokovima koje utvrđuje Agencija za javne nabavke BiH podzakonskim aktom, a koji sadrži bitne podatke koji su bili odlučujući za tok postupka i izbor ponuđača i to:
 - podatke o ponuđačima kod kojih je provjeravana cijena,
 - način provjeravanja cijene (telegrafski, elektronskom poštom, faksom ili na drugi način),
 - osnovne elemente ponude kao što je cijena, način plaćanja rok i dinamika isporuke,
 - druge podatke značajne za predmetnu nabavku.

- (2) Nakon što Ugovorni organ dostavi izvještaj Agenciji za javne nabavke BiH, dužan je na svojoj internetskoj stranici, objaviti osnovne elemente ugovora za sve postupke javne nabavke, kao i sve izmjene ugovora do kojih dođe u toku realizacije ugovora, na način i u formi koji će podzakonskim aktom propisati Vijeće ministara BiH.
- (3) Izvještaj se arhivira zajedno sa predmetnom dokumentacijom u skladu sa članom 76. Zakona.

Članak 9.
(Završne odredbe)

- (1) Uz dokumente koji se dostavljaju Ugovornom organu na stranom jeziku mora biti priložen prijevod na jednom od službenih jezika u Bosni i Hercegovini.

Članak 10.
(Stupanje na snagu)

- (1) Ovaj Pravilnik stupa na snagu prvog narednog dana od dana objavljivanja na oglasnoj ploči ugovornog organa, a objavit će se na web stranici ugovornog organa.

Broj:055-0-Su-17-000012-2
Čitluk, 04.07.2017.

Predsjednik suda
Jadranka Prskalo